

TEZĂUR LITURGIC

24 IULIE

ACATISTUL SF. CNEJI-MUCENICI BORIS-ROMAN ȘI GLEB-DAVID DE LA ROSTOV-MUROM III



MOSCOVA, 2000



Акафист святым благоверным страстотерпцем князем Борису и Глебу

Кондакъ 1

Избраннии чудотворцы и преславнии страстотерпцы Христовы, украсивши души своя добродѣтелию, и прешедши поприще временныя жизни въ страсть Божіи, молите Христа Бога, Егоже даже до крове возлюбил естѣ, да спасетъ отъ бѣдъ, и напастей, и вѣчныя смѣрти всѣхъ, съ вѣрою притекающихъ и съ любовію зовущихъ къ вамъ:

Радуйтеся, святіи страстотерпцы Борисе и Глѣбе, тепліи о насъ предъ Богомъ молитвенницы.

Икосъ 1

Ангельскимъ чиномъ радость сотворили естѣ, преславная двоице, цѣломудренный Борисе съ кроткимъ Глѣбомъ, житіемъ своимъ, зане Христа ради преходящее царство земное оставльше, Господа отъ всея души возлюбисте. Сего ради и

мы́, благодаря́ще Бо́га, показавшаго въ ва́съ
си́лу благодати Своея́, съ любовью́ вопіе́мъ къ
ва́мъ:

Ра́дуйтеся, я́ко вкупѣ́ со отце́мъ своимъ,
княземъ Влади́міромъ, су́етныхъ боговъ
уклоні́тесь;

ра́дуйтеся, я́ко къ и́стинному Бо́гу всею
душе́ю прилѣ́пите́ся.

Ра́дуйтеся, прекра́сніи цвѣ́ти
новопросвѣ́щенныя земли́ Ру́сскія;

ра́дуйтеся, пресвѣ́тлыя звѣ́зды присносу́щаго
свѣ́та Христо́ва въ страна́хъ на́шей.

Ра́дуйтеся, чистоту́ душе́вную возлюбивши́;

ра́дуйтеся, до́мъ Ду́ху Свято́му себѣ́
содѣ́лавши́.

Ра́дуйтеся, святіи́ страсотѣ́рпцы Бори́се и
Глѣ́бе, те́пліи о на́съ предъ́ Бо́гомъ
моли́твенницы́.

Конда́къ 2

Видѣ́вше, я́ко въ ми́рѣ́ се́мъ вся́ суе́тъ и тлѣ́нію
прича́стна, измла́да Христа́ возлюбиліи есте́,
честна́я бра́тіе Бори́се и Глѣ́бе, жи́знь
безстра́стную стяжа́вше, сла́внии цѣ́ломудріа

рачителие. Тѣмже отъ страстей душевныхъ и тѣлесныхъ молитвами своими свободите почитающихъ васъ и поющихъ Богу: Аллилуія.

Икосъ 2

Разумъ свой просвѣтивъ книжнымъ ученіемъ, чтеніе Божественныхъ писаній, наипаче же душеполѣзныхъ повѣствованій о страданіихъ мучениковъ, зѣло возлюбилъ еси, блаженне Борисе; имиже себе и брата твоего Глѣба назидаль еси, Господа Іисуса Христа со слезами моляше, да не увлекутся суетою міра сего, но да послѣдуютъ стопамъ святыхъ мученикъ. Сего ради пріимите отъ насъ, святая братіе, похвалы сицевыя:

Радуйтесь, путь правый въ Царствіе небесное обрѣтши;

радуйтесь, симъ путемъ невозвратно шествовавшии.

Радуйтесь, разумъ свой въ послушаніе вѣры предавшии;

радуйтесь, сердцемъ своимъ единому Христу служити вождѣвшии.

Радуйтесь, Россійскія земли удобреніе;

ра́дуйтеся, всего́ міра пресвѣ́тліи свѣ́тильниці.

Ра́дуйтеся, святи́и страсотѣ́рпцы Бори́се и Глѣ́бе, те́пліи о насъ предъ Бо́гомъ моли́твенниці.

Кондакъ 3

Си́лою благода́ти Бо́жія укрѣ́пляеми, крѣ́стнымъ путе́мъ евангелѣ́скимъ въ житі́и ва́шемъ шѣ́стовали есте́, благовѣ́рніи Бори́се и Глѣ́бе. Тѣ́мже и насъ моли́твами ва́шими отъ всѣ́хъ ко́зней лука́ваго ді́авола укрѣ́пите, да непреткно́венно возмо́жемъ прои́ти путе́мъ за́повѣ́дей Бо́жихъ и вѣ́ну воспѣ́вати: Аллилу́ія.

Икосъ 3

Иму́ще предъ умны́ма очі́ма свої́ма о́бразъ Христа́ Го́спода, усѣ́рдніи подража́теліе Е́му въ житі́и ва́шемъ яви́стеся; получи́вше же отъ отца́ ва́шего, кня́зя Влади́мира, во облада́ніе гра́ды Росто́въ и Му́ромъ, о насажде́ніи въ землі́ ва́шей вѣ́ры Христо́вы и благоче́стія па́че всего́ потруди́стеся, и правосу́діемъ, крото́стію, смире́ніемъ и милосѣ́рдіемъ къ бѣ́днымъ лю́бовь наро́да своего́ стяжа́ли есте́, до́бліи

страстотерпцы Борисе и Глѣбе. Сего ради
пріимите и отъ нашего усердія къ вамъ:

Радуйтеся, вѣрнии ученицы Спасовы;

радуйтеся, благочестія столпі непоколебиміи.

Радуйтеся, родителей вашихъ съ любовію
почитавши;

радуйтеся, другъ друга и братію свою
искреннею любовію возлюбивши.

Радуйтеся, цѣломудрія ревнителіе;

радуйтеся, дѣвства и чистоты хранителіе.

Радуйтеся, святіи страстотерпцы Борисе и
Глѣбе, тепліи о насъ предъ Богомъ
молитвенницы.

Кондакъ 4

Бурею зависти и злобы одержимъ братъ вашъ
Святополкъ окаянный, страстію прельстився
властолюбія, лишій васъ земнаго царствія, святіи
Борисе и Глѣбе. Христось же безконечное
Царство вамъ дарова, Емуже со ангельскимъ
воинствомъ предстояще, молитесь спасти
любовію поющія: Аллилуія.

Икосъ 4

Слы́шавъ святы́й князь Бори́сь, на рѣцѣ Альтѣ стоя́ съ во́и свои́ми, о злѣмъ умы́шленіи Святопо́лка, я́ко хо́щетъ его́ уби́ти, не е́мляше вѣры́ тому́, не ча́яше бо таковы́я зло́бы отъ брата́, обаче́ смуща́шеся мы́слию и, печа́лю одержи́мъ, вше́дъ въ шате́ръ сво́й, со слеза́ми моля́шеся Христу́ Бо́гу и Пресвяты́й Богоро́дицѣ, и повелѣ́ іерею́ у́треню пѣ́ти. Вѣсть же прие́мъ, я́ко приближа́шася уже́ уби́цы, прилѣ́жнѣе нача́ моли́тися, да не поста́вить сего́ Госпо́дь Святопо́лку во грѣ́хъ. И се́ внеза́пу нападо́ша на́нь уби́цы, и ко́пи прободо́ша его́. Не по мно́зѣ же вре́мени, я́ко а́гнецъ непоро́чный, закла́нь бы́сть на рѣцѣ́ Смяды́ни и блаже́нный Глѣ́бъ. И тако́ предста́ша святы́и брата́я вкупѣ́ въ небеснѣ́мъ Ца́рствіи Христу́ Бо́гу, раду́ющеся. Мы́ же, почита́юще му́ченическую кончи́ну ихъ, усер́дно вопіе́мъ:

Ра́дуйтеся, въ го́рнихъ селе́ніихъ со святы́ми му́ченики и со всѣ́ми святы́ми Пресвяты́й Тро́ицѣ́ предста́щи;

ра́дуйтеся, непреста́ющимъ веселе́емъ
наслажда́ющіися.

Ра́дуйтеся, я́ко бога́тство исцѣле́ній
вѣрующимъ излива́ете;

ра́дуйтеся, я́ко отъ внеза́пныя сме́рти
почита́ющихъ па́мьятъ ва́шу изба́вляете.

Ра́дуйтеся, я́ко весе́лиемъ духо́внымъ сердца́
на́ша исполня́ете;

ра́дуйтеся, я́ко предста́тельствомъ ва́шимъ
предъ Бо́гомъ печа́ли и ско́рби на́ша уто́ляете.

Ра́дуйтеся, святіи страстоте́рпцы Бори́се и
Глѣ́бе, те́пліи о на́съ предъ Бо́гомъ
моли́твенницы.

Конда́къ 5

Боготе́чныя звѣзды́ яви́стеся, до́блии
страстоте́рпцы Бори́се и Глѣ́бе, на зарѣ́
христи́анства въ странѣ́ на́шей, богоуго́днымъ
житіемъ сво́имъ увѣря́юще соплеме́нники въ
спаси́тельности Правосла́вныя вѣры и навча́юще
благода́рнѣ пѣти Бо́гу: Аллилу́ія.

Ико́сь 5

Ви́дѣвше, ка́ко святіи бра́тія Бори́сь и Глѣ́бъ,
вожде́лѣвше бу́дущихъ бла́гъ, па́че же любве́
ра́ди Христо́вы, ца́рство земно́е и сла́ву его́ ни
во что́же вмѣни́ша, ника́коже проти́влящеся

закалающему ихъ брату, и вѣнцы мученическія получиша, пѣсньми духовными людіе россійстїи ихъ прославляютъ и радостно зовутъ:

Радуйтеся, вселенныя заступницы;
радуйтеся, странѣ нашей поборницы на враги.

Радуйтеся, маслины плодовитыя, въ дому Божїи возрастши;

радуйтеся, финиксы, добродѣтелями процвѣтши.

Радуйтеся, врачеве болящихъ и бѣсовъ прогонителие;

радуйтеся, въ бѣдахъ и скорбехъ призывающимъ васъ съ вѣрою скорїи помощницы.

Радуйтеся, святїи страсотерпцы Борисе и Глѣбе, тепліи о насъ предъ Богомъ молитвенницы.

Кондакъ 6

Проповѣди Христовѣ о любви къ ближнимъ послѣдую, Георгій, вѣрный слуга твой, княже Борисе, душу свою за тя положи: хотя тѣломъ своимъ прикрыти тя отъ враговъ, вкупѣ съ

тобою убієнь бысть. По малъ же времени брать твой, благовѣрный князь Глѣбъ, яко агня незлобивъ, отъ своего злаго раба закланіе пріять, и тако вы триє въ чертогъ небесный внидоште, идѣже со ангельскими чины Богу вопіете: Аллилуія.

Икосъ 6

Возсіяли есте, яко два свѣтила на твѣрди церковнѣй, святіи страсотѣрпцы Борисе и Глѣбе, богоугоднымъ житіємъ своимъ и мученическою кончиною показующи намъ путь къ незаходимому Свѣту Христу, тѣмже молимъ васъ тму невѣрія и развращенія въ странѣ нашей разгнати, да единомысленно вси зывають вамъ сице:

Радуйтеся, просвѣтителя Россійскія страны, князя Владиміра отрасли честныя;

радуйтеся, корене правовѣрія вѣтви богонасажденныя, цвѣти благоуханія процвѣтшии.

Радуйтеся, яко во удѣлѣхъ своихъ Ростовъ и Муромъ идолы потребили есте;

радуйтеся, яко тму язычества тамо прогнали есте.

Ра́дуйтеся, я́ко свѣ́томъ боговѣ́дѣніа
просвѣ́щаєте помраче́нныя умы́;

ра́дуйтеся, я́ко тепло́ю моли́твѣ ва́шихъ
согрѣ́ваете хла́дная сердца́.

Ра́дуйтеся, святи́и страсотѣ́рпцы Бори́се и
Глѣ́бе, те́пліи о на́съ предъ Бо́гомъ
моли́твенницы́.

Конда́къ 7

Хотя́ явити но́вый исто́чникъ благода́ти
Своея́, челове́колюбець Госпо́дь нетлѣ́ніе дарова́
честны́мъ мо́щемъ ва́шимъ, боголюбе́зная
дво́ице, Бори́се и Глѣ́бе, зна́менья и чудеса́
просла́ви я́. Мы́ же дивя́щеся въ ва́съ
всемо́гуществу и бла́гости Бо́га, вопіе́мъ Ему́:
Аллилу́ія.

Ико́сь 7

Но́ваго Ка́ина братоубі́йцу, Святопо́лка
побѣ́дивъ благовѣ́рный князь Яросла́въ, и
увѣ́дѣвъ, я́ко мно́гая зна́менія и чудеса́ отъ
гробовъ ва́шихъ, святи́и страсотѣ́рпцы Бори́се и
Глѣ́бе, быва́ють, съ ра́достію повѣ́да о се́мъ
митрополи́ту Иларио́ну, и по благослове́нію его́
созда́ въ че́сть ва́шу це́рковь въ Вы́шгородѣ́,
идѣ́же поста́влена бы́ша честны́я мо́щи ва́ша.

Мы́ же, свѣ́тло прáздную́ще свyтyю пáмyть вáшу, со умилéнiемъ зовéмъ:

Рáдуйтeся, мученическими вѣнцы́ увѣнчáннiи на небесi;

рáдуйтeся, дáры чудотворéний прослáвленнiи на землi.

Рáдуйтeся, yкo и прéжде прослáвлéния вáшего дiвнyя знáменiя надъ грóбомъ вáшимъ являхуся;

рáдуйтeся, yкo стóлпъ о́гненный и свѣщi горящiя тáмо зряхуся.

Рáдуйтeся, yкo тáмо áнгельская пѣнiя слы́шахуся;

рáдуйтeся, yкo при открьтiи мoщей вáшихъ благоухáния цѣрковъ вся испóлнися.

Рáдуйтeся, свyтiи стрáстотѣрпцы Борiсе и Глѣ́бе, тѣплiи о насъ предъ Бóгомъ молiтвенницы.

Кондакъ 8

Стрáнники и пришельцы, по апóстолу, явiстeся на землi, боголюбѣзнiи Борiсе и Глѣ́бе, дóльнyя презира́юще, гóрнихъ взыску́юще, все помышлéние къ Бóгу имyще, брáтнею любóвию

совокупльшеся, благочестно поживите. Темже и намъ помозите вашими молитвами добродетельное житие возлюбити и пети Богу: Аллилуя.

Икосъ 8

Всёю душею и всёмъ сердцемъ возлюбивше Христа и Церковь Его въ жизни временной, братия блаженнии, и по преставлении вашемъ не оставляете во время благопотребно вразумляти преступающихъ законъ евангельский и законы церковныя. Сего ради Церковь святая ублажаетъ васъ сице:

Радуйтесь, Господеви, а не человекомъ угождавшии;

радуйтесь, на стражи закона Христова стоящи.

Радуйтесь, во градъ Дорогобужи жену нѣкую, въ праздникъ святителя Николая работавшую, разрушениемъ храмины ея и изсушениемъ руки наказавшии;

радуйтесь, по тріехъ лѣтъхъ съ вѣрою притекавшей ко святымъ мощемъ вашимъ женѣ той исцѣленіе подавшии.

Ра́дуйтеся, двѹхъ мужейъ въ Вы́шгородѣ, въ темни́цу непови́нно заключѣ́нныхъ, чуде́сно свободи́вши;

ра́дуйтеся, симъ чуде́номъ вели́каго кня́зя Кіевскаго Михаі́ла-Святопо́лка не предава́ти никогóже на ка́знь по клеветѣ́, вразуми́вши.

Ра́дуйтеся, святіи́ страсотѣ́рпцы Бори́се и Глѣ́бе, те́пліи о насъ́ предъ́ Бо́гомъ моли́твенницы.

Конда́къ 9

Всякія́ недѹги́ исцѣ́ляти въ землі́ Росси́йстѣй даде́ся ва́мъ благода́ть отъ́ Бо́га, я́ко же великомѹ́ченикъ́ Гео́ргій, во снѣ́ явля́ся нѣ́кому слѣ́пцу́, повѣ́да, посла́въ его́ къ ва́мъ; о́нъ же, прише́дъ въ Вы́шгородѣ, пребыва́ше дни́ нѣ́кія при це́ркви ва́шей, усѣ́рдно моля́ся, и получи́въ прозрѣ́ніе, благодарнѣ́ возопі́ Бо́гу: Аллилу́ія.

Икосъ 9

Вѣ́ти многовѣ́щанныя́ не мо́гутъ досто́йно восхва́лити ва́съ, страсотѣ́рпцы Христо́вы Бори́се и Глѣ́бе, за любóвь и милосѣ́рдіе ко всѣ́мъ человѣ́комъ стра́ждущимъ; вся́ бо страна́ на́ша испо́лнися сла́вою чуде́съ ва́шихъ, імже́ уди́вляюще́ся, съ вѣ́рою вопі́емъ ва́мъ:

Ра́дуйтеся, я́ко всѣхъ, призыва́ющихъ ва́съ съ
вѣрою, отъ различныхъ неду́говъ исцѣляете;

ра́дуйтеся, я́ко ва́шими моли́твами слѣпи
прозрѣва́ху.

Ра́дуйтеся, я́ко ва́шимъ ходата́йствомъ
хроміи и безно́зи хождѣніе получи́ша;

ра́дуйтеся, я́ко въ Вы́шгородѣ о́троку нѣкоего
му́жа Мирона-огоро́дника въ сонномъ видѣ́ніи
яви́стеся и крѣстнымъ зна́меніемъ сухую и
скорченную но́гу его́ здра́ву сотвори́сте.

Ра́дуйтеся, во гра́дѣ Ту́ровѣ ино́ка Марти́на,
въ тяжцѣй болѣ́зни су́ща, въ кѣ́лліи явѣ
посѣ́тивши и исцѣ́леніе ему́ пода́вши;

ра́дуйтеся, я́ко и всѣмъ тружда́ющимся
ско́ри помощи́цы.

Ра́дуйтеся, свя́тіи страсотѣ́рпцы Бори́се и
Гла́бе, те́пліи о на́съ предъ Бо́гомъ
моли́твенни́цы.

Конда́къ 10

Спасти́ся хотя́ще отъ вѣ́чныя сме́рти,
досто́блаже́нніи Бори́се и Гла́бе, ду́ши ва́ша
укра́сили есте́ цѣ́ломудріемъ, смире́ніемъ,
кро́тостію и про́чими добродѣ́тельми и,
преше́дше по́прище вре́менныя жи́зни, вѣ́нцевъ

неувядаемыхъ сподобистесь. И нынѣ, предстояще престолу Господа славы, молитесь прилѣжно о чтущихъ память вашу и вопіющихъ Богу: Аллилуія.

Икосъ 10

Стѣна и заступленіе, богомудріи угодницы Борисе и Глѣбе, естѣ Отѣчеству въ годину скорби и нестроеній, и прибѣжище всѣмъ, съ вѣрою призывающимъ васъ на помощь во всякихъ бѣдахъ и напастехъ, дерзновеніе бо веліе имуще, святїи, у Христа Бога помогати и спасати вопіющихъ вамъ таковая:

Радуйтеся, неисчерпаеми источницы Божественныхъ исцѣленій;

радуйтеся, рѣки чудесъ и дарованій духовныхъ.

Радуйтеся, яко сущимъ въ бѣдахъ и напастехъ избавленіе подаете;

радуйтеся, ослѣпленнымъ владимірцемъ княземъ Мстиславу и Ярополку Ярославичемъ, въ церковь вашу на Смядыни пришедшимъ, прозрѣніе даровавши.

Радуйтеся, Димитрію Донскому побѣдити татарскаго царя Мамаѣя помогши;

ра́дуйтеся, благовѣ́рному князю Алекса́ндру Не́вскому на по́мощь проти́ву Ве́лгера Свѣ́йскаго съ небесѣ́ явльши́ся.

Ра́дуйтеся, святіи́ страсотѣ́рпцы Бори́се и Глѣ́бе, те́пліи о насѣ́ предѣ́ Бо́гомъ моли́твенницы.

Конда́къ 11

Пѣ́ніе хвале́бное и благода́рственное прино́симъ Дѣ́вному во святыхъ́ Свои́хъ Бо́гу на́шему, дарова́вшему Це́ркви Своѣ́й и странѣ́ Росси́йстѣ́й дѣ́вныхъ́ чудотво́рцевъ, священну́ю дво́ицу Бори́са и Глѣ́ба, иже ны́нѣ со а́нгельскими чѣ́ны и со всѣ́ми святы́ми вопію́тъ на небеси́: Аллилу́ія.

Икосъ 11

Свѣ́тоза́рніи свѣ́тильницы незаходи́маго Со́лнца пра́вды Христа́ Го́спода яви́стеся, добропобѣ́дни Бори́се и Глѣ́бе, земли́ Росси́йскія покрови́телие и защи́тницы, ихже ны́нѣ священну́ю па́мять соверша́юще, во умилѣ́ніи ду́шъ и серде́цъ вопіѣ́мъ:

Ра́дуйтеся, весѣ́ліе и ра́дованіе странѣ́ на́шей; ра́дуйтеся, крѣ́пости и забра́ла вои́новъ христолю́бивыхъ.

Ра́дуйтеся, престо́лу Го́спода сла́вы
предстоя́щи;

ра́дуйтеся, заре́ю Трисо́лнечнаго Свѣ́та
озаре́нни.

Ра́дуйтеся, я́ко отверзо́шася ва́мъ врата́
Еде́мская;

ра́дуйтеся, я́ко лицёмъ къ лицу́ Го́спода зрите́.

Ра́дуйтеся, свя́тии страстоте́рпцы Бори́се и
Гла́бе, те́пліи о на́съ предъ Бо́гомъ
моли́твенницы.

Конда́къ 12

Благода́ть едине́нія и братолю́бія испроси́те у
Бо́га Оте́честву ва́шему, свя́тии миротво́рцы
Бори́се и Гла́бе, да всі́ лю́діе росси́йстіи
возлю́бятъ другъ дру́га и еди́ноду́шно
исповѣ́дуютъ Правосла́вную вѣ́ру, воспѣ́вающе
Христу́, Спаси́телю на́шему пѣ́снь: Аллилу́ія.

Икосъ 12

Пою́ще добродѣ́тельное ва́ше житі́е,
преиспо́лненное нелицеме́рныя любве́ къ Бо́гу и
бли́жнимъ, му́ченическую кончи́ну и сла́ву на
небеси́ и на землі́ по преста́вленіи ва́шемъ,
прилѣ́жно мо́лимъ ва́съ, блаже́ннии бра́тіе Бори́се

и Глѣбе: не возгнушайтесь насъ, грѣшныхъ и недостойныхъ, зовущихъ къ вамъ:

Радуйтеся, Господеви вѣрно послужившии;
радуйтеся, свѣтомъ и солю земли Россійскія явившиися.

Радуйтеся, добродѣтелемъ отца своего подражавшии;

радуйтеся, вкупѣ съ нимъ въ радость Господа вшедшии.

Радуйтеся, сонму мученикъ сопричтеннии;
радуйтеся, въ лицѣ россійстихъ святыхъ славою многою отъ Бога превознесеннии.

Радуйтеся, святїи страсотѣрпцы Борисе и Глѣбе, тепліи о насъ предъ Богомъ моли́твенницы.

Кондакъ 13

О, пресла́внии и пречу́днии чудотво́рцы, святїи страсотѣрпцы Борисе и Глѣбе, прииміте отъ насъ сіе ма́лое приносимое вамъ моле́ние, и ва́шими моли́твами у престо́ла Бо́жия утверди́те въ странѣ́ нашей ми́ръ и благоче́стіе; Це́рковь святу́ю сохрани́те отъ ересей и раско́ловъ, и всѣхъ правосла́вныхъ христіа́нъ огради́те отъ

врагъ видимыхъ и невидимыхъ, отъ невѣрія и развращенія, отъ бѣдъ и скорбей, да благодарни суще, вопіемъ Спасителю Христу Богу нашему: Аллилуія.

Сеі кондакъ глаголется трижды. Таже Икосъ 1-й и Кондакъ 1-й

Моли́тва

Святїи страсотѣрпцы, боголюбивая двоїце, благовѣрнїи князи Борисе и Глѣбе, измлада всею душею Христа возлюбивши, цѣломудріе, кротость, смиреніе и прочія добродѣтели стяжали есте и, яко агнцы незлобивїи, отъ брата своего неправедное убіеніе претерпѣли есте, чїстыя своя души въ благопрїятную жѣртву Богу принесосте и отъ Него вѣнцы нетлѣнныя прїясте, припадающе къ честному образу вашему, молимъ васъ въ дусѣ сокрушеннѣ и смиреннѣ: вознесите своя усердныя молитвы ко Всемилостивому Спасу нашему, да подасть намъ, чтущимъ святую память вашу, великія Своя и богатыя милости. Церковь Свою святую да соблюдетъ отъ ересей и расколовъ, въ чадѣхъ ея да оживетъ духъ правыя вѣры и любве, духъ вѣдѣнїя и благочестїя, да даруетъ всѣмъ намъ вся, яже къ жизни временнѣй и вѣчнѣй

потрѣбная. Ей, святїи страсотѣрпцы, ускорите на по́мощь къ намъ, якоже сроднику ва́шему благовѣрному князю Алекса́ндру Не́вскому, и изба́вите страну́ нашу́ отъ врагъ ви́димыхъ и неви́димыхъ, отъ гла́да, огня, смертоно́сныя я́звы, отъ всякихъ бѣдъ и напáстей; разгоните облежа́щій ны́ мракъ невѣрїя и развраще́нія, да мирно и благоче́стно поживе́мъ въ вѣцѣ́ сѣмъ и сподо́бимся христі́анскїя кончи́ны и добраго отвѣ́та на стра́шнѣмъ Судѣ́ Христа́ Бо́га, Ему́же подоба́еть че́сть и поклонѣ́ніе со Безнача́льнымъ Его́ Отце́мъ и Пресвяты́мъ Животворя́щимъ Ду́хомъ, ны́нѣ́ и прїсно́ и во вѣ́ки вѣ́ковъ. Ами́нь.

